

聖賢像贊

三冊



08394

先賢壤子

名駟赤字子徒陝西西安府人按通志畧壤駟氏複姓當作壤駟子



聖賢像贊

五十六

宋高宗紹興十四年御製贊

式是壤伯

昭乎聖徒

執經請益

載道若無

詩書規矩

問學楷模

得時而駕

領袖諸儒

宋大中祥符二年工部郎中陳彭年贊

猗歟壤駟

信而好古

驅駕咸秦

摠衣鄒魯

言必成文

動不踰矩

成禮介丘

追榮社土

唐玄宗開元二十七年從祀孔廟道封北徵伯宋

真宗咸平三年加封上邽侯

明世宗嘉靖九年改稱先賢壤子



先賢石子

各作蜀字子明陝西鞏昌府人按氏族畧石作氏複姓當作石作子



聖賢像贊

五七

宋高宗紹興十四年御製贊

昔在石邑

能知所尊

懋依有德

克述無言

鼓篋槐市

揚名里門

此道久視

彼美長存

宋大中祥符二年陳充贊

宣尼日月

無得而喻

粵有哲士

嘗爲學徒

登封偶聖

至德崇儒

以地進爵

斯文迺殊

唐玄宗開元二十七年從祀孔廟追封郕邑伯宋

真宗咸平三年加封成紀侯

明世宗嘉靖九年改稱先賢石子

先賢漆雕子 名徒父字子期山東兗州府人



聖賢像贊

五十六

宋高宗紹興十四年御製贊

遐想子期 挾策聖帷 涉道是嗜 微爵可糜

在德既賢 在名乃垂 洋洋之風 逮今四馳

宋大中祥符二年工部郎中陳彭年贊

受教聖人 服勤墳籍 如彼時術 故能日益

元封慶成 介圭道錫 圖刑繪素 鏤美金石

唐玄宗開元二十七年從祀孔廟追封須句侯宋

真宗咸平三年加封高苑侯

明世宗嘉靖羣改稱先賢漆雕子



先賢漆雕子 名叟字子斂山東兗州府人



聖賢像贊

五九

宋高宗紹興十四年御製贊

子斂受封 爰居武城 疊疊其聞 翩翩其英

樞衣時習 願學日明 誕敷孔教 爵里疏榮

宋大中祥符二年戶部郎中戚綸贊

闕里稱賢 哆也其一 學以適道 名參入室

昔爲達者 今逢聖日 俾侯濮陽 膺茲寵秩

唐玄宗開元二十七年從祀孔廟追封武城伯宋

真宗咸平三年加封濮陽侯

明世宗嘉靖九年改稱先賢漆雕子

先賢公夏子  
名首字子乘山東兗州府人



聖賢像贊

六

宋高宗紹興十四年御製贊

堂堂子乘 洙泗之英 摠衣唯喏 致力知行

淵源其學 赫奕其名 慶封錫壤 侯于鉅平

皇明山東布政司理問呂元善贊

及門之英 乃有公夏 容鬢如存 源脉難画

沂雲四月 春凝秋瀉 元父綸言 琿瑯聲價


唐玄宗開元二十七年從祀孔廟追封元父伯宋

真宗咸平三年加封鉅平侯

明世宗嘉靖九年改稱先賢公夏子



先賢后子 名處字子里山東青州府人



聖賢像贊

李

宋高宗紹興十四年御製贊

溫溫子里 入聞至聖 攬道之華 秉德之柄

深造闡域 不乖言行 全齊之封 竹素榮盛

皇明山東布政司理問呂元善贊

青土上腴 山高水渚 惟大明湖 受華不注

毓爲精靈 是生后處 至今想見 膠東月樹

唐玄宗開元二十七年從祀孔廟追封營丘伯宋

真宗咸平三年加封膠東侯明世宗嘉靖九年改

稱先賢后子

先賢公西子 名赤字子華山東兗州府曲阜縣人少孔子四十二歲



聖賢像贊

卷三

宋高宗紹興十四年御製贊

學者行道 敝緼亦稱 使齊光華 偶為肥輕

周急之言 君子所令 答問允嚴 理皆先經

宋大中祥符二年行御史中丞王嗣宗贊

翊聖賢者 徂徠之英 謙言小相 終成大名

立朝儒雅 出使光榮 佐祐禮法 諸侯作程

唐玄宗開元二十七年從祀孔廟追封郕伯宋真

宗咸平三年加封鉅野侯

明世宗嘉靖九年改稱先賢公西子



先賢任子

名不齊字子選湖廣荊州府人



聖賢像贊

六十三

宋高宗紹興十四年御製贊

任城建伯

其表曰選

淑聞雅馳

才華清遠

競辰力行

愛日黽勉

孔教崇崇

令緒顯顯

宋大中祥符二年陳充贊

荆衡誕粹

賢生其中

服膺數仞

誠明感通

地邇長坂

爵嘉素風

虔遵祀典

列在儒宮

唐玄宗開元二十七年從祀孔廟追封任城伯宋

真宗咸平三年加封當陽侯

明世宗嘉靖九年改稱先賢任子

先賢奚子

名容蒧字子皙山東兗州府人奚仲之

後以名焉氏

先賢冉子

各季字子產山東兗州府人



聖賢像贊

卷四

奚容蒧

宋高宗紹興十四年御製贊

雍容子皙已望堂室幼則有造成則祖述

文采日化儒風力彌永觀厥成德音秩秩

雍雍子皙服勤儒墨闕里橫經魯堂師德

昔從游聘今逢簡勒皇錫信圭洙泗改色

唐玄宗開元二十七年從祀孔廟追封下邳伯宋

真宗咸平三年加封濟陽侯

明世宗嘉靖九年改稱先賢奚子

冉季

宋高宗紹興十四年御製贊

東平子產姓著盛時奉師於塾講道之微

答問成敏淵妙以思升降廉陛尚想英姿

冉子挺生鍾是純粹游聖之門切磨道義

時邁升中禮成肆類錫壤諸城式昭遺懿

唐玄宗開元二十七年從祀孔廟追封東平伯宋

真宗咸平三年加封諸城侯

明世宗嘉靖九年改稱先賢冉子



先賢顏子

名祖字子襄山東兗州府曲阜縣人



聖賢像贊

六五

宋高宗紹興十四年御製贊

闕里始教

群弟皇皇

好學不倦

時維子襄

疏封錫命

侯于富陽

於萬斯年

名譽益彰

皇明山東布政司理問呂元善贊

仙源名派

七賢之一

子襄之聲

秋清可汲

定于家傳

坐忘有得

巷雖共陋

褒嘉臨邑

唐玄宗開元二十七年從祀孔廟追封臨邑伯宋

真宗咸平三年加封富陽侯明世宗嘉靖九年改

稱先賢顏子

先賢公子

名良孺字子正河南開封府陳州人



聖賢像贊

李六

宋高宗紹興十四年御製贊

陳有子正

爲世所重

制行維賢

義理之勇

學不自滿

才堪大用

卒平其封

式彰光寵

宋大中祥符二年行右司諫張知白贊

子幼真賢

從師宣父

服膺大猷

配享終古

運屬聖神

時巡鄒魯

五等疏封

三綱式叙

唐玄宗開元二十七年從祀孔廟追封東牟伯宋

真宗咸平三年加封牟平侯明世宗嘉靖九年改

稱先賢公子



先賢公子 名肩定字子忠山東兗州府人



聖賢像贊

六七

宋高宗紹興十四年御製贊

公氏子忠 聖門之俊 修行文學 恒存忠信

道究一中 墻依數仞 梁父受封 榮名益振

皇明山東布政司理問呂元善贊

山蠹滋陽 捫天如鏡 光受邦賢 能肩以定

定處得功 何境非性 顧名思義 隨地可證

唐玄宗開元二十七年從祀孔廟追封新田伯宋

真宗咸平三年加封梁父侯明世宗嘉靖九年改

稱先賢公子

先賢句子

名井疆字子疆河南衛輝府人



聖賢像贊

本元

宋高宗紹興十四年御製贊

孔徒三千

升堂七十

子於其間

有業學習

駿造聖功

巋然獨立

茂陟嘉封

鴻名緝緝

宋大中祥符二年刑部員外郎查道贊

衛之君子

達者比肩

服勤鼓篋

學慕韋編

升中覃慶

儒術攸先

微侯疏爵

闕里之賢

唐玄宗開元二十七年從祀孔廟追封淇陽伯宋

真宗咸平三年加封滏陽侯明世宗嘉靖九年改

稱先賢句子



先賢秦子 名祖字子南陝西西安府人



聖賢像贊

李九

宋高宗紹興十年御製贊

秦有子南 贊贊述作 守道之淵 成德之博

範若妙金 契猶發藥 歷世明祀 少梁寵爵

皇明山東布政司理問呂元善贊

秦有三子 壤石與君 君姓所出 不同二秦

爰趣河渭 來游聖門 差肩高弟 秦豈無人

唐玄宗開元二十七年從祀孔廟追封少梁伯宋

真宗咸平三年加封鄆城侯

明世宗嘉靖九年改稱先賢秦子

先賢鄆子

名單字子家山東東昌府聊城人



聖賢像贊

七

宋高宗紹興十四年御製贊

杏壇受教

子家其英

樞衣侍立

善訓思明

學業益進

德譽斯馨

宜宗厥祀

寵爵聊城

皇明山東布政司理問呂元善贊

光岳樓高

登望千里

若有人焉

名蜚傳記

銅鞮故封

雲旗暫止

子家門風

猶沾衛水

唐玄宗開元二十七年從祀孔廟追封銅鞮伯宋

真宗咸平三年加封聊城侯明世宗嘉靖九年改

稱先賢鄆子



先賢罕父子

名黑字子素山東兗州府人氏族畧無罕父氏止有宰父氏當作宰父子



聖賢像贊

七

宋高宗紹興十四年御製贊

循循子素

從游闕里

分席杏壇

飲波泗水

四教克遵

百行均美

錫壤祁鄉

式崇厥祀

皇明山東布政司理問呂元善贊

洙泗門牆

稱有二黑

君之里間

尤親道脉

信史輝輝

子長載筆

罕父宰父

倘誤點畫

唐玄宗開元二十七年從祀孔廟追封乘丘侯宋

真宗咸平三年加封祁鄉侯明世宗嘉靖九年改

稱先賢罕父子

先賢縣子 名成字子祺山東兗州府人



聖賢像贊

七十一

宋高宗紹興十四年御製贊

至聖立教 子祺安雅 擅譽魯邦 啓祚鉅野

焯矣風猷 時哉用捨 出倫離類 後學是假

宋大中祥符二年祠部員外郎石中立贊

異能之士 孔徒寔繁 悅服至德 祖述微言

富稟天爵 遊乎聖門 追崇之典 胙以侯藩

唐玄宗開元二十七年從祀孔廟追封鉅野伯宋

真宗咸平三年加封武城侯明世宗嘉靖九年改

稱先賢縣子



先賢榮子

名旂字子祺山東兗州府人



聖賢像贊

七三

宋高宗紹興十四年御製贊

伯茲雩婁

務學實著

三千之徒

七十是預

匪善莫行

惟德乃據

紀于前書

式彰厥譽

宋大中祥符二年祠部員外郎梅詢贊

聖人之門

學者先旆

彼美子祺

行修志淳

異端茲害

微言服勤

格于我宋

侯封是新

唐玄宗開元二十七年從祀孔廟追封雩婁伯宋

真宗咸平三年加封厭次侯明世宗嘉靖九年改

稱先賢榮子

先賢左子

名人鄧字子行山東兗州府人



聖賢像贊

七四

宋高宗紹興十四年御製贊

伯彼臨淄

左行稱賢

晞蹤十哲

秀穎三千

心悅誠服

家至戶傳

樂只君子

文聲益宣

皇明山東布政司理問呂元善贊

心悅誠服

如七十子

子處其間

服膺何事

聖亦能同

丘明之恥

奚辯其官

左人左氏

唐玄宗開元二十七年從祀孔廟追封臨淄伯宋

真宗咸平三年加封南華侯明世宗嘉靖九年改

稱先賢左子



先賢樂子

名欬字子聲山東兗州府人



聖賢像贊

七五

宋高宗紹興十四年御製贊

樂氏子聲

錫爵昌平

信道之篤

見善乃明

引領高節

載維思誠

先賢聿德

出爲時英

皇明山東布政司理問呂元善贊

祊延微宋

姓啟南陽

雲新古檜

雨舊窮桑

曾孟二樂

後先一堂

子聲流澤

譽浹宮墻

唐玄宗開元二十七年從祀孔廟迨封昌平伯宋

真宗咸平三年加封建城侯明世宗嘉靖九年改

稱先賢樂子

先賢廉子

名潔字子庸河南衛輝府人



聖賢像贊

七六

宋高宗紹興十四年御製贊

兄弟之邦

士有廉庸

涵泳素教

表揭儒宗

杏壇探蹟

洙泗從容

作興一時

莒父其封

皇明山東布政司理問呂元善贊

大廉有後

寔惟子曹

朝歌樂去

來仰山高

豈必莒父

譽曰人豪

宜昌宗裔

趙漢兩朝

唐玄宗開元二十七年從祀孔廟追封莒父伯宋

真宗咸平三年加封胙城侯明世宗嘉靖九年改

稱先賢廉子



先賢叔仲子 名會字子期山東兗州府人

少孔子 五十歲



### 先賢商子

名瞿字子木山東曲阜縣人少孔子二十九歲

### 聖賢像贊

七七

叔仲會

宋高宗紹興十四年御製贊

瑕丘作邑 子期是為 親訓有日 廣業于時  
四教允隆 五常以持 比肩俊傑 聞望斯垂

宋大中祥符二年太常博士劉錯贊

斯文有宗 吾道不窮 執筆迭侍 惟賢比崇  
少成習貫 函丈順風 東巡駐蹕 霈澤儒宮

唐玄宗開元二十七年從祀孔廟追封瑕丘伯宋

真宗咸平三年加封博平侯

明世宗嘉靖九年改稱先賢叔仲子

宋高宗紹興十四年御製贊

易之為書 彌綸天地 五十乃學 師訓有是  
子能受授 洗心傳世 知幾其神 宜被厥祀

宋大中祥符二年守給事中晁迥贊

易之為書 窮理盡性 瞿也親受 抗心希聖  
韋編靡釋 素風允競 展禮封侯 千載輝映

唐玄宗開元二十七年從祀孔廟追封蒙伯宋真

宗咸平三年加封須昌侯  
明世宗嘉靖九年改稱先賢商子

先賢公西子

名歲字子尚山東兗州府人



聖賢像贊

七

宋高宗紹興十四年御製贊

猗爾子尚 魯邦之望 以德則貴 惟道是唱

師聰師明 友直友諒 伯於祝阿 儒風斯暢

宋大中祥符二年大理寺丞劉筠贊

魯多學者 服勤遊聖 祝羸惟肖 歲也成性

綽有餘裕 是亦爲政 追侯于徐 用均天慶

唐玄宗開元二十七年從祀孔廟追封祝阿伯宋

真宗咸平三年加封徐城侯明世宗嘉靖九年改

稱先賢公西子



先賢顏子

名之僕字子叔山東兗州府曲阜縣人



聖賢像贊

七九

宋高宗紹興十四年御製贊

賢行顏叔

親承尼父

志銳所期

道尊是輔

泥在鈞陶

木就規矩

終縻好爵

揚名東武

宋大中祥符二年行太常博士崔遵度贊

洙水悠悠

子叔優優

及肩等賜

升堂並由

元后時邁

禮成介丘

旌此達者

爵焉列侯

唐玄宗開元二十七年從祀孔廟追封東武伯宋

真宗咸平三年加封宛句侯明世宗嘉靖九年改

稱先賢顏子

先賢公西子 名輿如字子車山東兗州府人



聖賢像贊

全

宋高宗紹興十四年御製贊

杏壇啓教 高弟如雲 賢哉子上 敬業樂群

居仁由義 崇禮修文 臨胸錫爵 永播清芬

宋大中祥符二年守 范 贊

鍾美齊疆 從師曾國 展矣斯人 道臻聖域

禮墨金繩 慶敷文德 薦享侯封 永光廟食

唐玄宗開元二十七年從祀孔廟追封重丘伯宋

真宗咸平三年加封臨胸侯明世宗嘉靖九年改

稱先賢公西子



先賢邾子 名巽字子歛山東兗州府人



聖賢像贊

八十一

宋高宗紹興十四年御製贊

彼美邾子 先聖是承 墻仞已及 堂陛將升

良玉斯琢 寒水必冰 錫壤平陸 茂實昭騰

宋大中祥符二年守太常寺 陳 贊

展矣子歛 孔門高第 模範將聖 博約六藝

斯謂達者 顯於當世 追封列侯 流芳永裔

唐玄宗開元二十七年從祀孔廟追封平陸伯宋

真宗咸平三年加封高唐侯明世宗嘉靖九年改

稱先賢邾子

先賢施子 名之常字子恒山東兗州府人

先賢公祖

子名句茲字子之  
山東兗州府人



聖賢像贊

全三

施之常

宋高宗紹興十四年御製贊

開國乘氏 有德斯彰 象稽百行 贊理三綱  
自拔行間 策名甚光 在史藹藹 歷久彌芳

懿彼施常 學深儒雅 魯國上賢 孔堂達者  
跡晦名彰 德高言寡 侯封是邦 昭錫純嘏

唐玄宗開元二十七年從祀孔廟追封乘氏伯宋

真宗咸平三年加封臨濮侯明世宗嘉靖九年改

稱先賢施子

公祖句茲

宋高宗紹興十四年御製贊

惟彼子之 錫伯期思 與賢並進 得聖而師  
彬彬雅道 翼翼令儀 正己至言 廟食不隳

宋大中祥符二年祠部員外郎梅詢贊

子之生魯 從師尼父 恂恂闕里 栽我章甫  
非聖勿言 惟道是與 千古而下 俾侯齊土

唐玄宗開元二十七年從祀孔廟追封期思伯宋


真宗咸平三年加封卽墨侯明世宗嘉靖九年改

稱先賢公祖子



先賢申子

名棖字子周山東兗州府人家語作申續史記作申黨其實一也



聖賢像贊

全三

宋高宗紹興十四年御製贊

剛毅近仁

志操莫渝

性匪祝鮀

面豈子都

有一於此

剛名可圖

云懿則柔

蓋生之徒

宋大中祥符二年行右司諫張知白贊

洙泗之秀

橫經魯堂

名亞十哲

道尊五常

時巡駐蹕

闕里增光

封侯錫命

永代流芳

唐玄宗開元二十七年追封棖魯伯黨陵伯並從

祀孔廟宋真宗咸平三年加封棖文登侯黨淄川

侯明世宗嘉靖九年以重名去黨存棖改稱先賢

申子

先賢陳子

名亢字子禽河南開封府陳州人少孔  
子四十歲



聖賢像贊

八十四

宋高宗紹興十四年御製贊

惟禽之間

過庭其鯉

求以異聞

詩禮云爾

請一得三

誠退而喜

且知時聖

不私其子

宋大中祥符二年吏部侍郎趙昌言贊

於美子禽

服膺尼父

問一得三

垂訓千古

名由實賓

德以位序

運屬封巒

爵崇介土

唐玄宗開元二十七年從祀孔廟追封穎伯宋真

宗咸平三年加封南穎侯明世宗嘉靖九年改稱

先賢陳子



先賢琴子 名張字子開河南衛輝府人



聖賢像贊

八十五

宋高宗紹興十四年御製贊

多能鄙事 聖人曲藝 惟其知之 是以不試

宗魯雖友 弔必以義 尚師嘉言 祀亦罔替

宋大中祥符二年太常寺丞宋綬贊

反魯之始 從師去里 不試故藝 善言攸紀

非義罷弔 崇仁為美 銘嶽益封 用旌君子

唐玄宗開元二十七年追封南陵伯與琴牢並從

祀孔廟宋真宗大中祥符二年以重祀去牢存張

加封頓丘侯徽宗政和六年六月改封陽平侯明

世宗嘉靖九年改稱先賢琴子

先賢步子 名叔乘字子車山東青州府人



聖賢像贊

全六

宋高宗紹興十四年御製贊

勉勉子車 封邑淳于 親炙避席 惟諾趨隅

發微既博 雅道是扶 抑可尚也 不亦美乎

宋大中祥符二年太常博士張象中贊

聖人之門 子車服勤 學以時習 道宜日新

數仞爰處 函丈是親 追封遺烈 旌美儒臣

唐玄宗開元二十七年從祀孔廟追封淳于伯宋

真宗咸平三年加封博昌侯明世宗嘉靖九年改

稱先賢步子



先賢秦子

名非字子之山東兗州府人



聖賢像贊

八七

宋高宗紹興十四年御製贊

樂善哲士

伯于汧陽

傳道克正

垂名允藏

執德以弘

用心必剛

表廣業履

式贊素王

宋大中祥符二年太常博士王隨贊

七十之賢

皆傳聖道

彼美子之

學臻堂奧

珍席圭璋

儒宮黼藻

列爵華亭

令名長保

唐玄宗開元二十七年從祀孔廟追封汧陽伯宋

真宗咸平三年加封華亭侯明世宗嘉靖九年改

稱先賢秦子

先賢顏子 名喙字子聲 山東兗州府曲阜縣人



聖賢像贊

六十八

宋高宗紹興十四年御製贊

褒錫朱虛 在器輪輿 儒室振領 聖門曳裾

賢業素蘊 美才以攄 百世不刊 載觀成書

宋大中祥符二年太常博士張象中贊

回也庶幾 諸顏近之 洙泗受業 汶上從師

輔翊儒道 經營德基 俾侯于濟 君子攸宜

唐玄宗開元二十七年從祀孔廟追封朱虛伯宋

真宗咸平三年加封濟陰侯明世宗嘉靖九年改

稱先賢顏子



先賢顏子

名何字冉古山東兗州府人



聖賢像贊

全九

闕里孔尚任贊

聖門達者

厥有冉古

身通六藝

驥尾同附

斯文在茲

子淵堪匹

賢哉諸顏

衆美共集

唐立宗封開陽伯宋真宗封堂邑侯明世宗以家

語不載疑史記誤書罷祀

國朝世宗雍正二年考正祀典復從祀兩廡稱先

賢顏子

先賢縣子

名直字子象山東曲阜縣人



聖賢像贊

九

闕里孔尚任贊

倬彼子象

聖門稱賢

禮秉厥躬

守道為先

周旋中規

容止可觀

敦倫飭紀

後世遵焉

國朝世宗雍正二年改正祀典從祀兩廡稱先賢

縣子



先賢秦子 各冉字開山東兗州府人



聖賢像贊

左

闕里孔尚任贊

聖門七十 賢有四秦 商祖同升 冉非比倫

前後禪美 附驥亦奔 果達與藝 引爲同人

唐立宗封彭衙伯宋真宗封新息侯明世宗以家語不載疑史記誤書罷祀

國朝世宗雍正二年考正祀典復從祀兩廡稱先賢秦子

先賢牧子 名皮山東兗州府人



聖賢像贊

九三

關里孔繼汾贊

維彼牧子 狂簡賦質 琴瑟爲友 天姿亦美  
學以變化 裁成有待 中行不得 進取是賴  
國朝世宗雍正二年考正祀典從祀兩廡稱先賢  
牧子



